

Ordnung. Recentiores emendationes aliae nobis ad manus non sunt (*).

§. V. Res IUDICIARIA nihil peculiare habet. Quot enim *lineae*, a nobis (p. 693.) descriptae, tot etiam *regimina* sunt. Illud imitatione dignum est, quod contraxerint numerum iudiciorum. Hannoueranus Goettingense & Grubenhagense; Cellensis Harburgense & Dannenbergense
O o o 4

(*) Inter singularia etiam illud, quod vtantur iure HAGENSTOLZIATVS aduersus subditos omnes, qui decedunt quinquagenario maiores in coelibatu (a). Neque Clericis ea in re parcere solent, neque rerum administris (b). Imo ipsa Brunsuicensis vrbs, ceteroquin munita pristinis status priuilegiis, obstringitur hoc nexu (c). Sunt tamen, qui iniuriarum postulant fiscum principalem, ideo, quod Hagenstolziatus figmentum fuerit SCHOTTELII. Vnde occasio ei ad expilandum aliorum hereditates (d). Neque enim ius hoc Germanicum esse, sed Romanum. Quod fauerit liberorum numeris in sterili climate, quod ineptum Germaniae, vbi vteri foecundiores, quam vt vel praemii excitari debeat, vel coelibatus cohiberi poenis (e).

(a) Mense Ianuario 1726. causam responderunt ICti Halenses, requisiti ab heredibus Trandorffensibus. Nam Dux Guelferbytanus Trandorfi, Canonici octogenarii, hereditatem addixit, vindicauitque fisco, quod deceperit in coelibatu.

(b) Dubitant aliqui ideo de Clericis, quoniam virtutis sit, si ille vestigia S. Pauli premat in colendo coelibatu. Quod etiam apud Euangelicos verum. Dummodo absit necessitas, quod iugum imponant suis Pontifici.

(c) Nam Trandorfius Canonicus decepsit in vrbe Brunsueig. Huic autem Rudolfus Augustus indulxit priuilegia, quibus olim vsa fit vrbs imperio addicta.

(d) Putant, Schottelium deceptum a Besoldo, quem vine laudet. Neque enim domi exemplum ullum reperisse ita puniti coelibatus.

(e) Ita omnino dicendum. Nam nostri climatis incolae potius laborarunt multitudine ac numeris. Ut adeo causae nullae ad cogendum, vt quis contraheret matrimonium.